

INUIT ATAQATIGIIT

INATSISARTUNI



UPA 2014-106
13.05.2014
Ane Hansen

Sinerissap qanittuani qaleralinniarnermi Upernaviup, Uummannap Qeqertarsuullu aqutsiveqarfiini aqutsiveqarfiit titartagaanerisa siunnersuutip tunngavilersuutaani allattorsimanerattuut kiisalu ilanngussani (bilag) 1-miit 4-mut titartarsimani malillugit allangortinneqarnissaat isumageqqullugu Naalackersuisut peqquneqarnissaannik Inatsisartut aalajangiiffigisassaattut siunnersuut.
(Inatsisartunut ilaasortaq Karl-Kristian Kruse, Siumut)

Sunaluunnit killilersuisariaqalerneq tungavilersugaallunilu peqquteqartuannarmat Inatsisartuni ilaasortap Karl-Kristian Kruse-p siumumeersup siunnersuummini aallarniutaa annerusumik oqaaseqarfiginagu, siunnersuummini siunertaa tassalu sinerissap qanittuani qaleralinniarniit aqutsiveqarfiit pingasuusut killeqarfiisa allangortinneqarnissaat imatut oqaaseqarfigissuarput.

Silaannap immallu kissassusaata allangoriartornera ilutigalugu ukiorpaalunngorput Pinngortitaleriffiup ilimasaarutigisarmagu ukiuni aggersuni immap nillertup aalisagai sulii avannaarparterumartut. Tamannalu tungavigalugu Inuit Ataqatigiinni soqutigisimavarput aqutsiveqarfiup Upernaviup eqqaanittup avinneqarsinnaanissa killeqarfillu avannarleq Qaanaq tikillugu immikkut nutaatut aqutsiveqarfinngorsinnaasoq.

Taamammatt siunnersuummut Naalackersuisut allanguutissatut siunnersuutaat soqutinartipparput oqaloqataaffigisinnaallugulu.

Inuit Ataqatigiinnit tungaviusumik pingartitarput ilisimaneqarluarpoq, tassalu piujuannartitsineq tungavigalugu kingulissagullu pisassaqtuannaqqullugit aalisarnermik aqutsineq ingerlanneqassasoq. Suliallu ingerlanerani tamanna qitiujuassasoq kissaatigarput, tamannarpiarlut tungavigalugu siulitta Nunatta Pingortitaleriffia pilersissimavaat ilisimasassat katersorneqarsinnaaqqullugit siunissamilu ilisimalikkat tunngavigalugit pisassatigut siunnersuisinnaaqqullugit. Taamammatt pingaruteqarpoq ilisimatuussutsikkut katersat aallavigalugit Pingortitaleriffiup ukiunut tulliuuttunut illersorneqarsinnaasumik nungukkiartuutaangitsumillu aalisarnissamut inassuteqaataasa malinneqartarnissat.

Qulaani taasagut innersuussutigalugit siunnersuummut Naalackersuisut allanguutissatut siunnersuutaat ilalerlugu siunnersuutip aappasaanerseqartinnani Aalisarnermut Piniarnermut Nunalerinermullu ataatsimiititaliamut nalilersugassaqqortinneqassasoq inassutigaarput.